

SCRIPTA

Numéro Scripta : 3819

Auteur(s) : Philippe III le Hardi, France (roi)

Bénéficiaire(s) : Paris, Vauvert (prieuré)

Genre d'acte : charte

Authenticité : non suspect

Datation : 1277, janvier

Action juridique : autre

Langue du texte : latin

Analyse

Philippe [III], roi de France, en rappelant que le roi Louis [IX] a accordé au prieur et aux frères de Vauvert d'acquérir les revenus annuels jusqu'à 40 livres parisis et qu'ils n'ont acquis que 12 livres, leur accorde d'acquérir 28 livres parisis à partir du 1er avril prochain pendant sept ans.

Tableau de la tradition

Éditions principales

a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Harde l (MSAN ; 16, 2e série, 6, p. 160-390), 1852, n° 882, p. 209.

Texte établi d'après a

Philippus, Dei gratia, Francorum rex. Notum facimus universis, tam presentibus quam futuris, quod, cum inclite recordationis precarissimus dominus et genitor noster Ludovicus rex Francorum priori et fratribus de Valle viridi juxta Parisius, Cisterciensis ordinis, concesserit, ut in terra sua et feodis ac retrofeodis suis possent acquirere usque ad summam quadraginta librarum parisiensium annui redditus, de quibus acquisivisse dicuntur usque ad duodecim libratas parisiensium, nos, pro remedio anime nostre, dictis priori et fratribus concessimus, ut a kalendis instantis mensis Aprilis infra septennium usque ad viginti octo libratas parisiensium annui redditus residuas possint acquirere in terra nostra et feodis ac retrofeodis nostris extra ducatum Normannie, non tamen in minutis censibus sive capitalibus, tenendas et possidendas ab ipsis im perpetuum, absque coactione vendendi vel extra manum suam ponendi, retenta tamen nobis et nostris successoribus in predictis omnimoda justitia, et salvo in omnibus aliis jure nostro et jure etiam in omnibus alieno, nisi solummodo in hoc quod dicti prior et fratres predicta aquisita et aquirenda extra manum suam ponere non cogantur, ita etiam quod ipsa taliter acquirenda ad nostri prepositi Parisiensis noticiam deducantur, ut estimentur per eum, et sciatur quid et quantum acquisierint, et quando usque ad summam acquisierint ante dictam. In cujus rei testimonium, presentibus litteris nostrum fecimus apponi sigillum. Actum apud Sanctum Germanum in Laya anno Domini M° CC° septuagesimo s....., mense Januario.